

Ons Heilant

Een Enjel de kjeem eene Nacht oppe Stap nop,
Hee haud scheene Tiedinj, daut Niess wort jesajcht.
Dee Schop Foarma spooden sikj dan fuaz un jinjen,
Wua ons Heilant Jesus enne Kjreb wia jelajcht.

Een Stiern schiend rauf opp de Manna biem reisen,
Un weesen an veropp un jeef Licht opp dän Wajch.
See hauden Jeschenkja jebrocht fa dän Heilant.
See bäden am aun opp de Kjnees jelajcht.

Wienachten wiest ons daut Gott ons väl räakjent.
Am jaumad daut soo daut hee schekjt ons sien Kjint.
Dree un dartich Joa lota opp een Boach bie Golgata,
Jo doa betold Jesus de gaunze Welt Sind.

Gaunz kjlien aus Bäbe kjeem Jesus dan hia han,
Un muak daut Woakj foadich opp een Kjriez met sien Doot.
Sien Biespel em Läwen, daut finj wie beschräwen,
En de Bibel waut wie han dee leit ons noch goot.

Nu komt leewe Menschen, un well wie Gott danken,
Sogoa siene Enjel de freien sikj dan.
Wan wie Jesus Christus jekroacht nenn em Hoat han,
Daut eewje Läwen daut schenkjt hee ons dan.

Wieed un Musikj: Onbekannt
Plautdietsch: Hank Neufeld